

Eroj pioniraj okaze de la 40-a jubileo de Kuba Esperanto-Asocio.




Image not found or type unknown



Kuba Esperanto-Asocio festas ?i-jare sian 40-an jubileon. Tiucele la kubaj esperantistoj sin preparas por tutlande informi pri la datreveno de la kuba esperanto-asocio kaj organizas diversajn agadojn. Lige al tiu ?i jubilea agado, ni volas eltiri historian okaza?on kiu estas trovebla en la unua volumo de la Historio

de Esperanto en Kubo, hispanlingva verko de la historiisto Juan Ram3n Rodr3guez, estrarano de la asocio.

Ni trovis interesan raporton pri kampanjo farita de la tiama Kuba Societo por la Propagando de Esperanto, en la unuaj jaroj de la dudeka jarcento.

Temas pri kampanjo por instruado de Esperanto surbaze de interkonsento de la membraro en la jara asembleo de 1912. Kaj al tiu celo, esence, estis projektata la esperantista agado en Kubo dum 1913, kiam multaj lernejoj de la lando raportis kursojn de la lingvo internacia al sia lernantaro.

Raporto jarfina ilustras tiun ?i aserton:

“La Kuba Societo por la Propagando de Esperanto estis demar?anta por atingi ke la Instruistoj lernu la Internacian Lingvon, por ke poste ili transdonu siajn konojn al la infanoj.

Tiaj demar?oj ne estis senfruktaj: granda nombro da instruistoj lernas Esperanton nuntempe, grupo ne malgranda posedas la lingvon jam, kaj la plej bona estas ke, en kvin grandaj kubaj Kolegioj oni instruas la Internacian Lingvon.

Preter la intensa agado kun la instruistoj, ?iuj kluboj de Esperanto de la lando plu laboras kiel kutime (kursoj, propagando, kresko de la membraro, kunsidoj...)”

Do, tiu raporto aperas en la menciita libro, kie oni povas malkovri la la?dindan laboron faritan de la pioniroj de esperanto en Kubo, al kiuj ni dedi?as nian respekton kaj admiron ?i-jare, okaze de la jubileo, ?ar la nuna Kuba E-Asocio, renaski?is la 16-an de junio 1979 danke al la streboj de multaj homoj kiuj anta?is nin kaj lasis por ni tian inspiron kaj amon al la ideo de la internacia lingvo.

<https://www.radiohc.cu/index.php/eo/especiales/exclusivas/190420-eroj-pioniraj-okaze-de-la-40-a-jubileo-de-kuba-esperanto-asocio>



Radio Habana Cuba